

ქ. გარდაბანი, 7 მარტი, 2017 წ.

შპს "გარდაბნის თბოსადგური", შემდგომში "შემსყიდველი", გენერალური დირექტორის ლაშა მგელაძის სახით, და სს „პოუნდაი ავტო საქართველო“, შემდგომში "მიმწოდებელი", დირექტორის დავით გიორგობიანის სახით, „სახელმწიფო შესყიდვის შესახებ“ საქართველოს კანონის მე-101 მუხლის მესამე პუნქტის თ" ქვეპუნქტის საფუძველზე ვდებთ ხელშეკრულებას შემდეგზე (შემდგომში „ხელშეკრულება“):

1. ხელშეკრულების საგანი

1.1. "მიმწოდებელი" იღებს ვალდებულებას ამ ხელშეკრულების პირობების თანახმად, ჩაუტაროს "შემსყიდველის" ბალანსზე რიცხულ SPA160004833 ტენდერის საფუძველზე შეძენილ ავტობუსს (შემდგომში ავტობუსი) დამატებითი ავტოსარემონტო სამუშაოები (შემდგომში "მომსახურება"), რომლებიც არ არის გათვალისწინებული აღნიშნული ტენდერის ფარგლებში განსაზღვრული თანმდევი საგარანტიო მომსახურების პირობებით, რომელთა ჩამონათვალი მოყვანილია ინვოისში (1 და 3 პოზიცია) და წარმოადგენს ხელშეკრულების განუყოფელ ნაწილს (CPV50112000)

1.2. მომსახურება ხორციელდება შემსრულებლის სერვის ცენტრში ქ. თბილისში, დავით აღმაშენებლის ხეივანის მე-12 კმ-ზე.

2. მხარეთა უფლება-მოვალეობები

2.1. "შემსყიდველი" უფლებამოსილია მოსთხოვოს "მიმწოდებელს" ვალდებულებების შესრულება.

2.2. "შემსყიდველი" უზრუნველყოფს ანგარიშსწორებას ხელშეკრულებით გათვალისწინებული პირობებითა და ოდენობით;

2.3. "მიმწოდებელი" უფლებამოსილია მოსთხოვოს "შემსყიდველს" ვალდებულებების შესრულება.

2.4. "მიმწოდებელი" ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია;

3. ხელშეკრულების შესრულების ვადები

3.1. "მიმწოდებელი" ვალდებულია საქონლის მიწოდება მომსახურებასთან ერთად განახორციელოს „შემსყიდველის“ ავტობუსის სერვის-ცენტრში მოყვანისას 2017წ 10 მარტის ჩათვლით.

4. ხელშეკრულების ფასი

4.1. ხელშეკრულების ღირებულებაა 90 (ოთხმოცდაათი) ლარი დღგ-ს ჩათვლით;

5. ხარისხი და გარანტია

5.1. "მიმწოდებელი" ვალდებულია, რომ გაწეული მომსახურება იყოს ხარისხიანი და საერთაშორისო სტანდარტებთან შესაბამისი;

5.2. "შემსყიდველი" უფლებამოსილია განაცხადოს უარი 5 დღეზე მეტი დავიანებით ან უხარისხოდ შესრულებული სამუშაოების, და/ან უხარისხო სათანადო ნაწილების მიღებაზე და მათ ანაზღაურებაზე.

5.3. სამუშაოების ჩატარების დროს, სამუშაოების ჩატარებაზე მიღება-ჩაბარების აქტის ხელმოწერამდე, ყველა რისკები ავტობუსისადმი მიყენებულ ზიანზე ეკისრება "მიმწოდებელს".

5.4. სამუშაოების ჩატარების შემდეგ "მიმწოდებელი" ვალდებულია დაუყოვნებლივ გადასცეს დამკვეთს უფლებრივად და ტექნიკურად გამართული ავტობუსი.

6. ანგარიშსწორების წესი და ანგარიშსწორების ადგილი

6.1. "შემსყიდველი" ვალდებულია გადაუხადოს "მიმწოდებელს" ანაზღაურება ინვოისის/მიღება-ჩაბარების აქტის ხელმოწერისა და დადასტურებული ანგარიშ-ფაქტურის წარდგენიდან 10 (ათი) სამუშაო დღის განმავლობაში.

7. მხარეთა პასუხისმგებლობა

7.1. "შემსყიდველი" უფლებამოსილია, სამუშაოების შეუსრულებლობის, არაჯეროვნად შესრულების და/ან ხელშეკრულებაში მითითებული ვადების გადაცილებისას, დააკისროს "მიმწოდებელს" პირგასამტეხლო ყოველ ვადაგადაცილებულ დღეზე შეუსრულებელი სამუშაოების ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

7.2. გადახდის ვადის გადაცილებისას "მიმწოდებელი" უფლებამოსილია, დააკისროს "შემსყიდველს" საურავი ყოველ ვადაგადაცილებულ დღეზე, გადაუხდელი თანხის 0,1 %-ის ოდენობით.

7.3. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც ფორმდება შეტყობინების სახით), ხოლო შეტყობინებაში მითითებული ვადის გასვლის შემდეგ, მოითხოვოს ზიანის ანაზღაურება ან/და ხელშეკრულებიდან გასვლა.

7.4. ზიანის ანაზღაურებასთან დაკავშირებით გამოიყენება საქართველოს სამოქალაქო კანონმდებლობა.

7.5. "მიმწოდებლის" მიერ ჯარიმისა და პირგასამტეხლოს გადახდა, გარდა საქართველოს სამოქალაქო კოდექსით გათვალისწინებული შემთხვევებისა, არ ათავისუფლებს მას ნაკისრი ვალდებულებების ჯეროვნად შესრულების მოვალეობისაგან.

7.6. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას მოქმედი კანონმდებლობით დადგენილი წესით.

8. ფორს-მაჟორი

8.1. მხარეები თავისუფლდებიან ვალდებულებების შესრულებისაგან ისეთი გადაულახავი ფორს-მაჟორული გარემოების დადგომისას, როგორიც არის ომი, ხანძარი, სტიქიური უბედურება, სახელმწიფო ხელისუფლების გადატრიალება, სახელმწიფო ორგანოს მიერ გაცემული აქტი და სხვა პირობა, რომელიც აფერხებს და შეუძლებელს ხდის მხარის მიერ ხელშეკრულებით გათვალისწინებული უფლება-მოვალეობების განხორციელებას.

8.2. მხარეები ვალდებულნი არიან წერილობით აცნობონ ერთმანეთს ფორს-მაჟორული გარემოების არსებობის შესახებ მათი დადგომიდან 24 საათის განმავლობაში.

8.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

8.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოების აღმოფხვრისთანავე.

9. ხელშეკრულების ინსპექტირების პირობები

9.1. "შემსყიდველს" ან მის მიერ უფლებამოსილ პირს უფლება აქვს განახორციელოს გაწეული მომსახურების კონტროლი.

9.2. "მიმწოდებლის" მიერ სახელმწიფო შესყიდვის შესახებ ხელშეკრულების შესრულებაზე კონტროლს ახორციელებს "შემსყიდველის" მიერ შექმნილი ინსპექტირების ჯგუფი, რომლის ფუნქციაა "მომსახურების" მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის

10. ხელშეკრულების პირობების გადასინჯვა

10.1. ხელშეკრულების პირობების გადასინჯვის საკითხები რეგულირდება საქართველოს მოქმედი კანონმდებლობით.

10.2. ხელშეკრულების პირობების შეცვლა დაუშვებელია, თუ ამ ცვლილების შედეგად "შემსყიდველისთვის" უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულების ძალაში შესვლა და მოქმედების ვადა

11.1. ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2017 წ. 9 აპრილის ჩათვლით

11.2. მხარეს შეუძლია შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე თუ:
ა. ხელშეკრულების ერთ-ერთი მხარე სისტემატურად არღვევს ხელშეკრულების პირობებს.

ბ. ხელშეკრულების მე-10 მუხლით გათვალისწინებული შემთხვევის დადგომისას, არსებითად იცვლება მისი პირობები.

12. სხვა პირობები

12.1. მხარეთა შორის სადავო საკითხები წყდება მხარეთა მოლაპარაკების გზით. მხარეთა შორის შეთანხმების მიუღწევლობის შემთხვევაში, დავა წყდება საქართველოს კანონმდებლობით გათვალისწინებული წესით.

12.2. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

12.3. ხელშეკრულების წებისმიერი მუხლის, პუნქტის ან/და დებულების ბათილად ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე;

12.4. ხელშეკრულებაში დამატებების/დანართების/ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.

მხარეთა რეკვიზიტები და ხელმოწერები

შემსყიდველი:


შპს "გარდაბნის თბოსადგური"

მის. ქ.გარდაბანი, დავით აღმაშენებლის 2 ბ

ს/კ 404428071

ტელ. 555 254747

გენერალური დირექტორი



მიმწოდებელი:

სს „ჰიუნდაი ავტო საქართველო“

მის: ქ. თბილისი, დ.აღმაშენებლის ხეივანი მე-12 კმ


ს/კ: 204478948

ტელ. 599 40-61-59

ბანკი: სს „თიბისი ბანკი“, ბ/კ: TBCBGE22

ა/ა GE15 TB1100000110467697

დირექტორი



დ. გიორგობიანი

ინვოისი # HY00-001878

მიღება-ჩაბარება

შემოსვლის თარიღი: 07.03.2017

ჩაბარების თარიღი: 07.03.2017

მიმწოდებელი: სს ჰიუნდაი ავტო საქართველო
მისამართი:
საბანკო რეკვიზიტები: GE15TB1100000110467697 TBCBGE22, თიბისი ბანკი
კოდი: TBCBGE22
ა/ა: GE15TB1100000110467697 TBCBGE22
საიდ. კოდი: 204478948

მიმღები: გარდაბნის თბოსადგური
მისამართი:
ს/კ: 404428071

ა/მ მარკა: Hyundai County
სერია-ნომ: 00780GG
გარბენი: 88100

#	სათადარიგო ნაწილების დასახელება	რაოდენობა	ღირებ.	სამუშაოს დასახელება	რაოდენობა	ღირებ.	თანხა
1				მაყურის აღდგენა	1	70	70
2				ხუნდების აწევა რეგულირება	1	80	80
3				მაყურის დადუღება	1	20	20
ჯამი							170

მიმწოდებელი: სს ჰიუნდაი ავტო საქართველო
სერვისის დირექტორი: ალექსანდრე ხვედელიძე

მიმღები:  გარდაბნის თბოსადგური

